



# PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 31 FULAN OUTUBRU TINAN 2014

## KOMUNIKADU IMPRENSA

### **Sorumutu estraordináriu Konsellu Ministrus loron 31 fulan-outubru tinan 2014**

Governu hala'o sorumutu estraordináriu iha sesta-feira, loron 31 fulan-outubru 2014, iha sala sorumutuk Konsellu Ministrus nian, iha Palásiu, iha Dili, no aprova ona alterasaun ba diploma rua:

#### **1. Alterasaun daruak ba Dekretu Governu n.<sup>u</sup> 1/2014, loron 12 fevereiru, kona-ba Ezekusaun Orsamentu Jerál Estadu nian, ba Tinan 2014**

Dekretu Governu n.<sup>u</sup> 1/2014, loron 12 fevereiru, estabese ona regra hirak presiza atu ezekuta Orsamentu Jerál Estadu nian (OJE) ba tinan 2014, ne'ebé aprova ona husi Lei n.<sup>u</sup> 2/2014, loron 5 fevereiru, kona-ba OJE ba 2014 nian.

Alterasaun ida ne'e ajusta regra hirak jerál kona-ba atu taka ezekusaun orsamentu nian, no retifika alterasaun ne'ebé halo ho baze iha garantia bankária sira.

#### **2. Alterasaun ba dahuluk Dekretu-Lei n.<sup>u</sup> 31/2009, loron 18 novembru, ne'ebé aprova Estatutu Pesoál Servisu Migrasaun nian**

Dekretu-lei n.<sup>u</sup> 31/2009, loron 18 novembru, ne'ebé aprova Estatutu pesoál Servisu Migrasaun nian, kria programa rekonvensaun profesionál ida ne'ebé permite elementu hirak iha kareira Polisia Nasionál Timor-Leste nian atu ba fali iha kareira Migrasaun nian, bainhira sira kompleta ona rekizitu sira. Tuir diploma ida ne'e, estabese tiha ona períodu tranzitóriu ida ba rekonvensaun, ho prazu ida to'o de'it tinan lima, prazu ida ne'e remata iha loron 18 novembru 2014.

Bainhira programa refere seidauk bele implementa, maka alterasaun ida ne'e, bele hanaruk tan prazu ba períodu tranzitóriu nian no difini fali kompozisaun juri nian ba prosesu rekonvensaun.

Konsellu Ministrus mós analiza ona apresentasaun rua:



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

## **1. Apresentasauan kona-ba progresu Ezekusaun Orsamentu Jerál Estadu nian ba 2014**

Ekpa Tékniku Ministru Finansas nian ida, apresenta ona ba Konsellu Ministrus, dadu kuantitativu hirak kona-ba kondisaun atuál Orsamentu Jerál Estadu nian ba 2014.

## **2. Apresentasaun Orsamentu Jerál Estadu nian ba 2015**

Ekpa téknika Ministériu Finansas nian ida apresenta tiha ona ba Konsellu Ministrus panorama ida kona-ba Orsamentu Jerál Estadu nian ba 2015, hodi ko'alia kona-ba kestaun hirak hanesan planeamentu no panorama ekonómiku paíz ida ne'e nian, ezekusaun OJE 2014 nian no politika hirak prinsipál ne'ebé prevee tiha ona ba tinan 2015.



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608